

# ЛЕНИН'Я

ВКП(б)-лэн УАССР-ысь Вавожской райононэлан но райсоветлэн органзы

1940 аре  
четверг  
11 июле  
№ 42 (552)

8-тй арзэ потэ

## Неграмотнойёсты дышетонзэ умоятыны кулэ

Бадзымесь секыт'ёсты, курадзонзэ чидано луылэз Удмуртской калык революциясь азьвыл. Куинь полэс зйбет улын улыса, трудящойся удмурт'ёслэн дышетскыны ойвал луонлык'ёсы. Соку дыре удмурт'ёс пöлын 8 процентзэ гинэ гожтэт тодылызы.

Калыклэсь курадземзэ, культура ласянь бере кылэнзэ адзуса, В. И. Ленин Россия сярсы гож'яз: „Сыче дикой страна, кудаз калык массаос образование, югдытон но тодонлык ласянь сокем юн оградить каремын,—таче одйг страна но Европаын öз кылы Россия сян“.

23 ар куспын Советской калыклэн грамотностез, культурностез туж вылэ жугскиз. Та вакчи дыр куспын асьме странамя быдэс культурной революция ортычтамын. Сое самодержавие но буржуазия даур'ёсын-даур'ёсын лэсьтыны öз быгатылэ.

Асьмелэн районамы гожтэт тодысь населеняны лыдыз да со поллы будыз. Нош озык ке но, неграмотнойёсты но малограмотнойёсты дышетон быдэсак быдэстымтэ на. Районамы али неграмотнойёслэн но малограмотнойёслэн лыдызы 2812 мурт ляд'ясько. Нош соос пöлысь дышетсконэн 560 мурт гинэ охватить каремын.

Н-Биинской сельсоветысь „Чудзялуд“, „Виль гурт“, Лудзилка но Б Можгинской сельсоветысь „Горд Май“, М-Можга, М-Скалгурт, Сосново, Жуё-Можга колхоз'ёсын неграмотнойёсты но малограмотнойёсты дышетонлы али но кыче саклык уг вис'яло. М-Можга колхозлэн председателез гожтэт тодымтэосты дышетыны сюлмаськынтэеныз соосты дышетыны но кыче условиос öз кылдыты, тйни малы культурмеец Богданов К. гожтэт тодымтэосты дышетонзэ аналтйз.

Сельской исполнительной комитетлэн кивалтйсьёсыз та чеуж'ёсты адзуса вылысь но кыче уждрад'ёс уг куто, колхоз'ёслэсь председателёссэс малляса возё.

Урод дышето неграмотнойёсты К-Ключинской, Мальканской, Лыстемской, Ст-Моньинской, Брызгаловской но Вавожской сельсовет'ёсын. Отын первичной партийной но комсомольской организациос та ужын асьсэлэсь кивалтонзэс öз возматэ.

Нимысьтыз значение басытэ допризывник'ёсты дышетон уж. Красной Армилы но Военно-Морской Флотлы образованной, тазалыко, физически юнмам пополнение сётэмын луыны кулэ. Нош допризывник'ёсты дышетон лядмынэ.

Допризывник'ёсты, неграмотнойёсты но малограмотнойёсты дышетон удысын гызмылтыса ужанлы пум понно. Та ужез вакчи дырын но зечлыкы быдэстоно.

Неграмотнойёсты но малограмотнойёсты дышетон—бадзым политической уж, со сётэ луонлык вань населены асьме странамылэн политической улоназ но творческой ужаз активно пырыськыны. Неграмотнойёсты дышетон уж—вань советской, партийной комсомольской но профсоюзной организациослэн нырысь быдэстоно ужзы.

Неграмотнойёсты дышетон вань первичной парторганизациослы активно ужано. Комсомольской организациосын та ласянь супыльтонзэ быдтыса, районолы конкретной юрттэт сётано. Чутырак умоятло райсоветлэн исполкомезлы но сельисполком'ёслы асьсэлэсь ужзэс. Постоянно-действующей комиссиос но неграмотнойёсты дышетон кивалтонзэс кужмоятоно луо.

## Домохозяйкаос пöлын заемлы гожтйськон

Жутскем мылкыдын гожтйськызы выль заемлы райцентрысь домохозяйкаос. 65 мурт домохозяйкаос 2105 манетлы гожтйськызы, соос пöлысь Ветошкина, Стельмахова, Гущина но мукет'ёсыз бы-

дэн 100 манетлы гожтйськызы. Волокжанина 50 манетлы гожтйськыса, соку ик коньдонзэ 100 процентлы тыриз. Домохозяйкаос пöлын подписка мынэ на.

Башкирова

## Вавожской районысь вань избирательёслы

СССР-лэн Верховной Советэзлэн депутатэзлэн орденносец Е. В. ВАСИЛЬЕВА эш'ялэн гожтэтэз

### Эш'ёс избирательёс.

Сельской хозяйстволэн матеэктэ самой ответственной пöсь дырыз—ю октон-калтон.

Колхозник'ёс, колхозницаос но сельской хозяйстволэн вань ужасьёсыз азын сылэ важнейшой задача—ю октонзэ вакчи дырын быдэстон но сое ыштон'ёстэк ортычтон. Тулыс валэс юосты кизён дыр'я басытэм азинско'ёсты лядомытыны уг яра, со азинскем'ёсты азыланын но практической ужен юнматано.

Асьмеос ульськом сыче обстановканын, куке вань капиталистической мир зуркатэмын кыктэтй империалистической войнаен. Военной кышкытлык будыз асьме странамылы но.

Асьме страна аслаз мирной политикезлы оскыса, калыклэн ингересез понна уката но юнматэ аслэсьтыз хозяйственной но оборонной кужымзэ.

Фабрикаосысь, завод'ёсысь ужасьёс, учреждениосысь но организациосысь служащойёс асьсэ ужзэс быдэстонлы оскыса, асьсэлэн полной сознаниенызы выжизы 8 час'ем ужан нуналэ но 7 нунал'ем ужан арняе со вылысь, чтобы трос поттыны пушкаос, самолет'ёс, танк'ёс, со понна, чтобы уногес басытыны нефть, муз'ем эгыр, корт.

Эш'ёс избирательёс, асьме странамылэсь оборонной мощьсэ быдэскын обеспечить карон понна но фабрикл'ёслэсь но завод'ёслэсь ужанзэс дугдылытэк нуон понна странамылы кулэ сырьё, уно нянь но мукет сельскохозяйственной продукт'ёс.

Асьме избирательной округын кизё уно етйн, кудыз нырысь ик кулэ луись сырьёен луэ льянной фабрикаослы, Красной Армилы но мукет промышленностьлэн

отрасльёсаз. Нырысь ик та сырьёлэсь умоятыны кулэ удалтонлыксэ но октыны-калтыны ыштон'ёстэк.

Быдэс Советской Союзын но Удмуртской республикаын узыр урожай будэ, соос узыр будэ асьме избирательной округмылэн бусыосаз но. Избиратель эш'ёс, уно саклык-тэс вис'ялэ урожаез утялтонлы. Сельской хозяйстволэн вредительёснызы пумит нюр'яськон нуэ, нимысьтыз ик етйнлэн блошкаез но солэн висён'ёсызы пумит. Мон избирательёслэсь курисько, чтобы колхоз'ёс етйн ишкон азелы зеч-зеч мед дасяськызы но соин артэ вакчи дырын мед быдэстозы етйн ишконзэс, солэсь выль номерзэ басытыны понна азыло ик вöлдон инты дасямзэс.

Партия но правительство куро котькуд колхозниклэсь, колхозницалэсь сельской хозяйстволэсь вань ужасьёссэ туэ арын вань культураос'я выль урожай басытон понна нюр'яськемзэс.

Избиратель эш'ёс тодэ ваёно луэ, что али луэм международной обстановка куре асьмелэсь кужмо ужаммес. Асьме странамылэсь оборонной кужымзэ юнматон понна, Советской Союзысь калык'ёслэн шудо улонзылэн нимыныз, коммунизмлэн великой уж'ёсызлэн вормон'ёсыз понна, Ленинлэн-Сталинлэн ужез понна мон тйледды ю октонкалтонлы умой дасяськыны но сое октонзэ дырызлэсь азыло быдэстыны, партилэсь но правительстволэсь заданизэс честно но самоотверженно быдэстыны öтисько.

СССР-лэн Верховной Советэзлэн депутатэз—орденносец **Васильева.**

3 июле, 1940 ар.

Ижевск гор.

## Обязательствооссэс быдэс'яло

Б-Докьянской сельсоветысь азымынйсь колхоз'ёс сюрес лэсьтонын синмаськымон пример'ёсты возматыса ужало.

Та нунал'ёсы П-Докья колхоз сельсоветын нырысен сюрес лэсьтон'я обязательствозэ быдэстйз. „Валодор“ колхозысь нуналлы быдэ 5 валэн кöлы вортто, норма-

зэс мултэсэн быдэс'яло. Татын мукет уж'ёс но азинлыкы ортчо. Колхоз районын турнанзэ нырысен быдэстыса, сое государстволы сётонзэ но йылпум'яз ни.

Зеч-зеч тупат'яса дасямын аран машинаос, кутсаськон лапас'ёс, уробо тйрлык'ёс но мукет. **Киляев.**

## ИВОРТОН

17 июле 1940 арын 10 часын нуназе, Вавож селоын райклублэн помещенияз бордгазет'ёслэн редактор'ёссылэн но рабселькор'ёслэн районной совещанизы луоз.

### ЭСКЕРОНО УЖПУМ'ЁС:

1. Ю октон-калтон дыр'я бордгазет'ёслэн азязы сылэсь задачаос. (докладчик Корепанова).

Бордгазет'ёслэн редактор'ёссылы но рабселькор'ёслы совещание одно ик лыктоно аккуратно.

ВКП(б) райкомлэн агитация но пропаганда отделэз но „Ленин'я“ газетлэн редакциез.

# Урожаез ыштон'ёсын нюр'яськоно

(Стопудовик'ёслэн опыты)

Ю няез октон-калтон дыр'я ыштылон'ёсты палэнтон туж бадзым значение иметь каре.

Партилен но правительстволэн постановлениосазы возыматске нимаз участок'ёсын юлэсь вуэмзэ тшательно чакланлэсь кулэ луэмзэ. Со кулэ со понна, чтобы нимаз участок'ёсын вуэм юлэн тысеалэсь кысьтйськемзэ палэнтны, чтобы обеспечить карыны ас дыраз комбайн'ёсын но огшоры октон-калтон машинаосын быдэс массивын юлэсь вуэмзэ возыматэк выборочной октон-калтонэз кутскыны. Именно таёе выборочной порядокен октон-калтонэз организовать каро стопудовик'ёс.

Отын, кытын ке октон-калтон ас дыраз ортче, кытын кутэмын бусыосын ыштылон'ёсын нюр'яськон мераос, колхоз'ёс почти урожайзэс быдэсак бичало. Озы, кылсаярысь, Сталинской областысь Красноармейской районьсь Разинлэн нимыныз нимама колхозын кылем арын октон-калтон жог ортчытэмын вал. Бусыосысь кылем шеп'ёс умой мажсасыкызы. Октон-калтонлэн жоглык'ёсыз но ю тысь шеп'ёсты мажсан колхозлы котькуд гектарысь ю тысьлэсь кбня ке ыштылон'ёссэ утялтйз, куд'ёсыз ышылыны быгато вал. Колхоз гектар выльсь 25 центнер озимовой чабеез бичаз.

Важнейшой значение иметь каре таёе огшоры мероприятие, кызы ке бусые кылем тарилэсь йыр'ёссэ мажсан. Та адзиське хотя бы Чкаловской областысь Саракташской районьсь Сталинлэн нимыныз нимама колхозысь Житнеева эшлэн звеноезлэн примерьсьтыз. Житнеева эшлэн участок'ёсыз лобогрейкаосын октэмын - калтэмын вал, ю тысь шеп'ёсты мажсан котькуд гектарысь дополнительно 1,57 центнер тари сётйз.

Одесской областысь, Гайворонской районьсь, Сталинлэн нимыныз нимама колхозын

октон-калтон дыр'я вань уж'ёс лыдэ басытйсько, ма луыны быгатэ полезное ыштылон'ёсын нюр'яськонын. Колхозлэн бусыосыз арасько комбайн'ёсын, тужгес пограм участкаын жаткаосын. Октон-калтон бере бусыосын куинь пол конной граблиосын мажсан'ёс ортчыт'ясько. Таосын ограничиваться карытэк колхоз конной граблиос бере шеп'ёсты кыны бичан орчытэ. Аран машинаос ортчем бере ю-нянь керттыльське культуен но чумолёсы тырыське. Арам ю-нянь кудйз кутсасыкон лапасэ уг мыны кабан'ёсы суриське. Кутсам ю соку ик сортировка пырлэзиське. Нош котэз соку ик нимаз ын'ёс вылын куасытйське.

Азымынйсь комбайнер'ёслэн ужан практиказы октон-калтонын ыштон'ёсын нюр'яськонын синмасыкымон образец'ёс сётэ.

Комбайнер Маляров эш (Одесской область Шевченковской МТС) кылем арын октон-калтон дыр'я оз лэзь ыштылон'ёсты. Со ужаз самой уль вандон ичтыын, котькуд 3—4 минут кустын мынонэзлэсь жоглыкэс вош'яса. Со сяна мешковинаысь выгрузной шпекке со понылйз специальной рукав но установить карылйз пичи полотно но приемной камера виски зерноуловитель.

Красноярской крайысь Ново-Михайловской МТС-ысь комбайнер Московец эш, чтобы куро пёлы ю медаз кошкы, кыкетй очистителезлэсь скатной досказэ 5—6 сантиметры кузятйз но нырысь очисткалэсь—15 сантиметр.

Со колхоз'ёс, куд'ёсыз побольшевиствски нюр'ясько ыштылон'ёсын, будэто котькуд гектарысь 5—6 центнерлы но куддыр'я унолыгэс ю тысь бичанэз.

Д. Слободчиков.

## Тырымтэослы пум пононо

Ю нянь октон-калтон дырозь лыдзем нунал'ёс гинэ кылызы на, нош К-Ключ сельсоветысь „Красный ключ“ колхозын уборкалы дасяськон ас эрказ лэземын. Аран машинаос жыныез сяна ремонтировать каремын овёл. Кутсасыкон машинаос отчы-татчы куймын. Уробоос валлы быдэ уг тырмо.

Колхозын таёе урод уж'ёс ожит овёл, нош бордгазетлэн

редакторез Обухов Г. тырымтэосты быдтон понна уг сюлмасыкы. Газетлэн ляб ужаменыз ик татын трудовой дисциплина но куашкан калэ вуттэмын. Уноез колхозник'ёс уже мылзы потэм'я гинэ ветло.

Малпано луэ, что колхозлэн председателез Осокин Я. тырымтэосты выжыеныз ик быдтоз шуыса.

Бобров.

# Тысё, бобовой, кеньыр но масличной культураосты перерабатывать карем понна коньдонэн тыронлы ставкаос юнматон саярысь

Удмуртской АССР-лэн Народной Комиссар'ёсызлэн Советсылэн 29 июне 1940 арын постановлениез

РСФСР-лэн Народной Комиссар'ёсызлэн Советсылэн 22 июне 1940 арын постановлениез'я Удмуртской АССР -лэн Народной Комиссар'ёсызлэн Советсы пунктэ:

1. Колхоз'ёсын, колхозник'ёсын но вань государственной но кооперативной орга-

низациосын но предприятиосын Сельхозмукомольелэн вань государственной вукоосаз, кеньыр изон завод'ёсаз тысё, бобовой, кеньыр но масличной культураосты изэм понна коньдонэн тырон'ёслы таёе размер'ёсын ставкаосты тупатонэ:

### Изэм'ёслэн вид'ёсыя группаос

1 ц. изыны ваем тысь понна тырон

- |  |               |
|--|---------------|
| 1. Йыдыез, сезыез, викаез, полбаез но мукег тысё культураосты фуражлы изон.  | 3 м. 30 коп.  |
| 2. Вань культураосты предварительно сунятэк, обойкатэк разовой продовольственной изон, бобовойёсты фуражлы изон.   | 4 м. 30 коп.  |
| 3. Зегез но чабеез обойно грубой пызьлы, тари но гречиха кеньырез продовольственной пызьлы, тариез, сезыез но полбаез кеньырлы изон.   | 4 м. 80 коп.  |
| 4. Зегез но чабеез обойно небыт пызьлы, кеньыр культураосты продовольствие-лы, тариез толченой кеньырлы но гречихаз кеньырлы изон.   | 6 м. 20 коп.  |
| 5. Зегез обдирной односортовой пызьлы изон, зегез но чабеез жорновой вукоосын отсевной пызьлы изон.  | 7 м. 10 коп.  |
| 6. Зегез кык сортэн, пужнэм, обдирной пызьлы изон, чабеез одйг сорто, кыктэтй но умятэм кыктэтй сортэн изон, чабеез кык сорто кыктэтй умятэм сортэн но куиньметй сортэн, йыдыез, сезыез 66 проценто пызьлы изон, йыдыез кеньырлы изон. | 9 м. 30 коп.  |
| 7. Зегез сеянкалы, одйг сорто пызьлы изон, чабеез кык сорто, I но II сорт'ёсын, пызьлы изон.   | 12 м. 80 коп. |
| 8. Чабеез I сортэн одйг сорто пызьлы изон, чабеез высшой но II сорт'ёсын кык сорто пызьлы изон.  | 14 м. 20 коп. |
| 9. Кбмтэм масличной культураосты вбй поттыны изон.   | 16 м. 50 коп. |

II. Удмуртской АССР-лэн Совнаркоменыз 21 мае 1940 арын „Ю тысез перерабатывать карем понна коньдонэн тыронлы ставка саярысь постановлениезэ отменить кароно.

УАССР-лэн СОВНАРКОМЕЗЛЭН ПРЕДСЕДАТЕЛЕЗ А. ТРОНИН.

УАССР-лэн СОВНАРКОМЕЗЛЭН УПРАВДЕЛЭЗ Г. ИВШИН.

## Кивалтымтээн сэрен

Туэ котькудаз колхозын кизем юос синмасыкымонэсь будо, однако та узыр луоно урожаез дыраз но ыштон'ёстэк октыны-калтыны понна Б-Докбинской сельсоветысь „1 Май“ колхозын дасяськон борды умой-умой оз кутске на.

Аран машинаосты, уробоосты тупат'ян дыг мынэ. Кутсасыкон липет'ёс, склад'ёс дезинфицировать каремын овёл.

Та колхозын ик чидантэм урод пунктэмын агитационно-массовой уж но. Бордгазет шер пота. Соин сэрен та колхозын трудовой дисциплина куашкамын. Колхозник'ёс куке мылзы потэ, кин кызы быгатэм ужаны потало.

Ваньмыз та уж'ёс пото колхозлэн председателезлэн Северюхин эшлэн кивалтымтэез бордысь.

Световидов.

Отв. редактор Е. Корепанова. Издатель Райсовет.